

✓ **Ba perefef bashobora gutegeka ko mu nsisiro no mu nzira nyabagendwa bavuze haba umuvuduko uri muni y'ibimaze kuvugwa.**

4. Ikinyabiziga cyose gifite uburemere ntarengwa burenga toni eshanu (5) kigomba gushyirwaho na nyiracyo cyangwa se ugikoresha, icyapa gihuje n'urugero rwa 1 ruri ku mugereka wa 8 w'iri teka kandi kerekana umuvuduko ntarengwa ikinyabiziga kidashobora kurenza .
5. *Icyo cyapa kigomba gushyirwa inyuma y'ikinyabiziga ku ruhande rw'iburyo .kigomba kugira umurambararo wa santimetero 21 kandi ubugari bw'umuzenguruko utukura bugomba kugira santimetero 3,imibare ikagira ubuhagarike bwa santimetero 17 n'ubugari bwa santimetero 45 n'ubunini bwa santimetero 1.*
6. Ariko rero, ku byerekeye ibinyabiziga by'ingabo z'igihugu, ikimenyetso cy'umuvuduko ntarengwa ikinyabiziga kigomba kugira gishobora kwandikwa inyuma yacyo ku ruhande rw'iburyo hakurijwe ishusho,ubunini n'amabara amwe nk'ayi'icyapa kimaze kuvugwa haruguru.

Ingingo ya 30 :

- ✓ Hanyuranyijwe n'ibimaze kuvugwa ,iteka rya Minisitiri ushinze imirimo ya Leta rishobora gushyiraho imivuduko ntarengwa inyuranye ku nzira nyabagendwa zimwe cyangwa zose .

Ingingo ya 31:

1.Umuyobozi w'ikinyabiziga gikurikiye ibindi agomba gusiga umwanya witaje uhagije hagati y'icye n'icyo akurikiye kugirango atakigonga mu gihe agabanyije umuvuduko cyangwa gihagaze ku buryo butunguranye.

2. Ahatari mu nsisiro ,umuyobozi wese ugenza ikinyabiziga kimwe cyangwa ibinyabiziga bikomatanye bifite uburemere ntarengwa bwemewe burenga ibiro 3500 cyangwa bifite uburebure bwite burenga metero 10, agomba, keretse iyo anyuze cyangwa agiye kunyura ku bindi binyabiziga,gusiga hagati y'ikinyabiziga cye n'ikimuri imbere umwanya uhagije kugirango ibinyabiziga bimuhiseho bishobore kuhigobeka bidateje impanuka igihe bibaye ngombwa.

3. Nyamara ariko,ibi bitegetswe ntibikurikizwa mu gihe ibigendera mu muhanda ari byinshi kimwe no mu duce tw'inziira nyabagendwa aho kunyuranaho bibujijwe.

2.1.10.ICYICIRO CYA X : Guhagarara umwanya muto no guhagarara umwanya munini

Ingingo ya 32

Uretse igihe hari amategeko yihariye akurikizwa muri ako karere cyangwa imitunganyirize bwite y'aho,*ikinyabiziga cyose cyangwa inyamaswa ihagaze umwanya muto cyangwa munini igomba kuba iri :*

- a) *Mu kuboko kw'iburyo hakurikijwe aho yaganaga keretse iyo ari umuhanda w'icyerekezo kimwe ari nabwo nanone ishobora kuba iri ibumoso bw'umuhanda ;*
 - b) *Ahegereye bishobotse akayira k'abanyamaguru iyo umuhanda ugafite,ariko umwanya uri hagati y'ibiziga n'akayira ntube urenga santimetero mirongo itanu 50cm ;*
 - c) Kure cyane bishobotse y'umurongo ugabanya umuhanda mu kabiri kandi byaba ngombwa ikaba iri ahitaruye umuhanda mu mwanya uri mu mpande zawo cyangwa,ahatari insisiro,ku ruhande rwose rutagenewe ku buryo bw'umwihariko abandi bagenzi;
 - d) Iyo ari umwanya wo ku ruhande wagenewe abanyamaguru,umuyobozi agomba kubasigira akanya gafite byibura **metero imwe** y'ubugari kugira ngo bashobore kugenda batagombye kunyura mu muhanda .
2. Uretse igihe hari amategeko yihariye y'aho hantu cyangwa imitunganyirize bwite yaho ibinyabiziga bihagaze mu muhanda umwanya muto cyangwa munini bigomba kuuba bitonze umurongo ubangikanye n'inkombe y'umuhanda.